

方極刪定

全

肥後村井椿壽先生著

方本刪定

浪花書肆

積玉圃行

方極刪定序

師之授業於子弟門人。在于建
教之極也。苟極之不建也。其教
不正也。教之不正也。猶工之
無規矩準繩矣。子弟門人之受

業於師。亦非受其極。則又何以
學之爲。夫方也者。雖歷百世。亦
不可變者也。故其證也。又雖易
百醫人。不可不對其方矣。爰以
方證相對。而後始可與言治已

矣我

先師東洞翁。嘗得二千年不傳之法於仲景遺方。而始建之極此極也。所以教數千百人子弟門人也。比寶曆乙亥長人品玄

左筆受以傳天下同志。其惠不亦大乎。今坊間刻本方極是也。余嘗得之。先師之門。而讀之久矣。久而施其極於疾病。疾病得始有瘳矣。

方極刪定附言

一東洞先師嘗謂仲景之爲方也有法方證相對也不論因也而正於毒之中此之謂極也此書者建其極之書也先師之教亦於是乎建矣仲景之術亦於是乎明矣二千年來其極可觀其術可行者獨因方之存矣然先師之爲人

也豪邁博大不喜穿鑿之說不事帝王之譚其導門人小子也必執事實以喻之是其常也故類聚方之成也藤利軌錄之此書之口授也品玄左筆受之雖然玄左利軌非其人故不知先師之意之所在也惟筆是記卒使後世疑先師者二子之罪不亦大乎是其人術

之不修業之不正也其無如之何而已
極也不敏不能受業於塾故雖親炙日
淺亦有別所聞焉今不憚二子之意以

余之所聞刪削訂正以傳之同志世之

君子以此罪極亦所不敢辭也

此書於諸方之證或謂本方證或謂前
方證或謂某方證雖似有異義亦未有

其別矣實係筆受者之疎漏也今皆刪
之以爲某方證

一凡或字若字以其兼證與餘證宜分別
其證然或有或字若字混用者今悉正
諸

一後世之病證病名而有非先師之家
言今皆訂正之如停滯麻痺小水痰飲

宿滯、結塊、堅塊、拘癟是也。如氣字當作
毒字、腹無積聚、結胷、上逆、脚氣等諸稱。
雖表出本論及金匱中，然類聚方已域
之，則此書不取之可也。

一編中有文字訛謬者，如煩躁作煩燥、燥
渴作躁渴、醫作漿、辨作擲是也。又有文
字顛倒者，如疼煩爲煩疼、厥逆爲逆厥。

類是也。

一方銘有略之者，今從金匱古本及諸方
之例正之。

一文字有脫誤者，如排膿湯脫瘡家二字。
大黃甘草湯脫大便二字、礬石丸蛤床
子散脫婦人二字，是也。今私竊補之。
一抵當湯抵當丸小陷胷丸桃花湯麻子

仁丸五方皆略其證、非必先師之意
是蓋筆受者之誤也、今因先師之意
私竊補之、世之君子、其謂之何乎、
一桂枝甘草附子湯、半夏苦酒湯三方、本
無桂枝半夏二字、必是筆受者之所妄
添也、今從本論削之、

一大半夏湯證曰、嘔吐而心下痞、鞶乾薑

人瀆半夏丸證曰、嘔吐不止、心下痞鞶
今詳二方證、實似爲同治、惟當以有蜜
有乾薑分別之、而字、不止字、自有其義、
宜着眼見之、夫岐伯著此其義、
一他門之士、指此書、以爲一味配劑之書、
曰、方有一方之妙用、豈惟拘一味治一
證乎、信然信然、桂枝湯有桂枝湯妙用、

小柴胡湯、有小柴胡湯妙用、蓋有臨其機應其變、則不必拘桂枝柴胡一味證候矣、故仲景曰、有柴胡證、但見一證便是、不必悉具、夫如此書、則唯建其極之書也、極者、中也、中者、其效也、故先師建教於此書、而後臨其機應其變矣、是爲先師之醫也、爲醫者之事也、天下

後世、其莫疑之、其有取之乎、

安永四年乙未十二月二十四日

柳井純再識

東都言勝家學、著《經方集解》、
其本草、亦嘗讀《醫林編》、《本草綱目》、
其本草、亦嘗讀《本草綱目》、
馬頭、連枝、通、明、妙、勝、共、解、其、
東都言勝家學、著《經方集解》、
其本草、亦嘗讀《醫林編》、《本草綱目》、
其本草、亦嘗讀《本草綱目》、

東洞先師方極刪定考徵

肥後 郁井柵 著

桂枝加桂湯

按本方二字、當作桂枝湯、或謂本方、或謂前方、或謂某方、似不一定、宜改之、下皆倣之、

桂枝加芍藥湯

按甚字、當作劇字、腹字當刪之、拘蠻豈唯腹乎、

桂枝加黃耆湯

按若字、當作或字、盜汗上、亦當有或字、

桂枝加芍藥大黃湯

柵謹按、凡病有停滯否、非治之所預也、唯治其大實痛、則諸證隨治矣、有停滯三字、當作大實痛、本論已作大實痛、則當從之、

烏頭桂枝湯

柵謹按、此方之證、是桂枝湯證、而兼此諸證

者也、故於桂枝湯方內、加烏頭蜜煎治之、故此證上亦當有桂枝湯證而五字、

桂枝加附子湯

梔謹按、微痛下、恐有難以屈伸四字、

桂枝附子去桂加梔湯

梔謹按、不上衝三字、當在大便硬上、

桂枝去桂加苓朮湯

按苓字上、當有茯字、脉經作桂枝去桂加茯

苓朮湯爲是、

桂薑棗艸黃辛附湯

按當作桂枝去芍藥加麻黃細辛附子湯、

小建中湯

按裏急二字、刪之可、有拘急、有急痛、是乃裏急之證也、

黃耆桂枝五物湯

按麻痺二字、當作不仁、

黃耆桂枝苦酒湯

按本作黃耆芍藥桂枝苦酒湯。今宜從之。柂又謹按汗沾之汗字當刪之。本文雖有汗沾衣三字。然如此裁斷。則下之汗字似衍文。藥汁當作藥汁。

桂枝甘草附子湯

柂謹按本無桂枝二字。然此方桂枝四兩。以爲主藥。故先師蓋以他方例加桂枝二字。然

本論已無此二字。則刪之可也。煩疼當作疼。今宜從本文。

桂枝人夢湯

按此方本於人夢湯方內加桂枝四兩。甘草一兩。當在人夢湯下。

葵子茯苓湯

按心下悸三字當在小便不利上。

芩薑尤甘湯

按當作茯苓乾薑朮甘草湯、桃又謹按小便自利下、當有身體重三字、疼重二字、當刪之、形如水狀下、當有腰重如帶五千錢七字、是此方全證、宜方證并考焉。

苓桂朮甘湯

按當作茯苓桂枝朮甘草湯、小水當作小便、

苓桂甘棗湯

按當作茯苓桂枝甘草大棗湯、上衝二字、當

在臍下悸之下、

苓桂五味甘草湯

註正參子甘草去桂味桂姜
按當作茯苓桂枝五味子甘草湯、

苓甘五味薑辛湯

按此方者、乃茯苓、桂枝五味子甘草湯、去桂枝加乾薑細辛、當作茯苓桂枝五味子甘草去桂加乾薑細辛湯、又按、是當作茯苓桂枝五味子甘草湯證、而咳滿不上衝者、痰飲、是

後世病名宜作咳滿且痰飲滿三字似不成語矣

苓甘薑味辛夏湯

按當作茯苓桂枝五味子甘草去桂加乾薑細辛半夏湯

苓甘薑味辛夏仁湯

按當作茯苓桂枝五味子甘草去桂加乾薑細辛半夏杏仁湯施又謹按微腫卽浮腫然

則微浮腫恐爲重複宜作浮腫

苓甘薑味辛夏仁黃湯

按當作茯苓桂枝五味子甘草去桂加乾薑細辛半夏杏仁大黃湯施又謹按腹中二字不穩當作大便

五苓散

施謹按消渴小便不利與渴欲飲水水入則吐是必二證故若字當作或字若爲一證則

下渴字當刪之。

茵陳五苓散

桃謹按發黃非前方證者當作治五苓散證而發黃者發黃是非本證也凡黃者皆非本證也若治其本證則黃自去是必傳寫之誤宜以諸方例推之

牡蠣澤瀉散

桃謹按身體水腫之水字當刪之身體腫卽

水病也今謂身體水腫者似重複矣

麻黃附子細辛湯

按有痰飲之變五字當刪之

麻黃杏仁薏苡甘草湯

接水氣之氣字當作毒字

牡蠣湯

按胸中之中字當作腹字

大青龍湯

按喘及咳嗽四字、當作咳喘上衝二字、當在渴字上、

渴字上、

文蛤湯

施謹按此方以大青龍湯桂枝二兩代文蛤五兩、然則其證與大青龍湯大同小異、唯其分兩有輕重而已、今按其證、則大抵同其治也、當作治大青龍湯證、而不上衝、咳喘急者、

麻黃甘草湯

施謹按金匱要略本爲甘草麻黃湯、今先師以麻黃多於甘草、改曰麻黃甘草湯、宜從本稱、

越婢加朮湯

按此方下、當有越婢加朮附子湯方、宜從千金方補之、

小柴胡湯

施謹按胸脇苦滿下、當有心下痞悶四字、

柴胡加桂枝湯

査謹按方極刻本無此方必是脫誤蓋此方於小柴胡湯方內加桂枝三兩雖無本論所見然或謂柴胡加桂枝湯可謂柴胡桂枝湯然則恐古有此二方今私竊詳二方之證柴胡加桂枝湯者治小柴胡湯證而上衝者又柴胡桂枝湯者治小柴胡湯與桂枝湯二方證相合者凡小柴胡湯證而上衝無芍藥證者

方解刪定本

是此方所主也又有兼桂枝芍藥證者宜考之耳故曰蓋古有立此二方者矣香川太冲曰是小柴胡湯加桂枝耳又添芍藥直曰柴胡桂枝湯似爲未安是未深考二方意而已不可從焉査今附此諸說以補先師之意

柴胡桂枝草薢湯

査謹按小柴胡湯證而不嘔不痞十字當作胸脇苦滿往來寒熱心煩也腹中當作胸腹

按類聚方此方下有柴胡加龍骨牡蠣
湯方極今不載此方者不足此方以爲方
之極也

厚朴三物湯

按類聚方先師曰厚朴三物湯治小承氣湯
證而腹滿甚者然今此不載此方者必是錄
者踰漏私補之此方當在小承氣湯之下

厚朴七物湯

按上逆嘔者當作上衝而嘔者

大承氣湯

按下若字之下當有有字小註十五字當刪
之是想像之說也疑非先師之意

瀉心湯

按類聚方云不足千金方作不定今從
之然我門之於治何問心氣之不足與不定
乎先師嘗雖憎不足之說而取不定之說亦

五十步百步之談也。竊按心氣不定，心煩也。心悸亦大抵相似。然則此方之證，宜以大黃黃連瀉心湯推之。惟此方加黃芩一兩，則大黃黃連瀉心湯證而下利者主之。當作治心煩下利、心下痞。按之濡者。

抵當湯

梔謙按：瘀血者，是外證。凡瘀血多類，唯云瘀血，則此方又何血證之治乎？當作少腹鞭滿。

小便快利，或腹不滿，其人言我滿者，小註三十七字，當刪之。

抵當丸

按當有治抵當湯證緩者七字。

橘皮大黃朴消湯

按當作治胸中有毒而結者。

大黃消石湯

按塊字當作毒字。

大黃牡丹湯

按宿滯、結塊、堅塊之字、皆後人所稱、宜作毒字、丹下當有皮字、

大黃甘草湯

按祕閉、當作祕結、祕結上、當有大便二字、

桃核承氣湯

按血證二字、當刪之、上衝下、宜有及有血三字、

甘草湯

按逼字、當作急字、咽字下、當有喉字、宣養

排膿湯

按膿血上、當有瘍家二字、

甘遂半夏湯

按輕滿下、當有嘔字、

甘麥大棗湯

按金匱要略古本、作甘草小麥大棗湯、宜從

之、

乾薑甘草湯

按本作甘艸乾薑湯、宜從之、燥字當作躁字、
躁渴之燥、从火、煩躁之躁、从足、

乾薑附子湯

按此方類聚方表出之方極脫之、是必錄者
疎漏矣、此方當治厥而煩躁、惡寒者、宜錄諸

四逆湯上、今因先師之意補之

四逆湯

接逆厥、當作厥逆、

四逆加人蔘湯

按痞字下、脫鞭字、

附子粳米湯

按切痛下、當有惡寒二字、

薏苡附子敗漿散

按漿字、當作醫字、漿水漿漿水之漿也、敗醫

之醬、及芥醬豆醬之醬、皆从酉、此物作陳敗之醬氣、因以爲名、又按、身字上、當有一字、腹無積聚四字、當刪之、

赤丸

槐謹按、痰飲二字、當刪之、又按、類聚方曰、當有心下慄、及嘔而腹痛證、今依此說、則當作治心下慄、惡寒、嘔而腹痛、或微厥者、

真武湯

槐謹按、心中躁三字、似不穩矣、疑當作心下慄、擲地之擲字、擗字之誤、宜改之、拘痛之拘字、亦急字之誤、當作急癥、

梔子大黃湯

按大黃下、脫或字、

茵陳蒿湯

按一身上、當有心煩二字、

梔子葵皮湯

按身上當有一字、

大陷胸湯

桔謹按、結胸二字、類聚方已加曲載。今此表
出之者似不穩矣。且施此方、豈獨因結胸之
名乎、宜刪之。當作治心下至少腹、鞭滿而痛
不可近者。

小陷胸湯

桔謹按、此方惟治小結胸者、恐非矣。當作治

方
陽明病

病正在心下、按之痛、煩悸而嘔者、

桔樓薤白白酒湯

按外臺秘要十二、每痺咳唾短氣、內、載此
方、煮法、白酒作白蔞酒、然則白酒是略語、當
作桔樓薤白白酒湯、

桔樓薤白半夏湯

按外臺秘要十二、曾癥心痛方內、引仲景傷
寒論、作桔樓薤白半夏白蔞漿湯、當從此、

當作酒、

文蛤散

按本論意欲飲水、反不渴者、服文蛤散、然則此方非治惟渴者之方明矣、今試之即是也、宜從本論改之、今當作治欲飲水、反不渴者、半夏苦酒湯

按半夏二字、當刪之、本論無半夏二字、

吳茱萸湯

方正刑定

按嘔上、當有而字、

厚朴生薑半夏甘草人參湯

按參字當作蔓字、嘔下脫吐字、

黃連湯

按心下痞下、脫鞭字、上衝二字、當在欲嘔吐上、

大建中湯

按食字上、當有飲字、

白頭翁加甘草阿膠湯

按有血證三字、當作便血二字、

木防已湯

梔謹按此方本治水腫、無別所治、則當作治水腫、心下痞鞕、而煩渴者、

木防已去石膏加茯苓芒消湯

梔謹按此方本治木防已湯證劇、而唯憐不煩渴、宜改之、堅字當作鞕字、金匱及玉函千

金翼、鞭堅互用、別無意義、或有避鞕字者、脉經亦同、

防已茯苓湯

按水氣之氣、當作毒字、

桂枝生薑枳實湯

按逆字、當作衝字、

枳實薤白桂枝湯

按婢下、當有而字、

橘皮竹茹湯

按吃了字上當有而字、此方本橘皮湯出入之方也、當在橘皮湯下

橘皮湯

按嘔字上當有而字、此方當在橘皮竹茹湯上

桂枝茯苓丸

按經水上當有及字、不然似非治男子之病

之方

芎歸膠艾湯

梘謹按類聚方曰、凡治吐血下血、諸血證者、不別男子婦人矣、然則漏下腹中痛云者、似特治婦人、宜作治吐血下血、及諸血證、或婦人漏下、腹中痛者、又按當作芎菊當歸膠艾湯。

旋覆花代赭石湯

按旋字、當作旋字、

赤石脂禹餘糧湯

按利字下、當有不止二字、

桃花湯

施謹按此方豈惟治便祕血矣、治腹漏下利、大便下濃血證、宜作治腹漏下利、便祕血者、

本論可考、

蜜煎導

按澁字、當作秘字、大便澁者、必自下利、此證非下利也、大便必難、而秘結也、當改之、

棗仁湯

按仁字、爲衍、讀類聚方辨之、不贅于此、頗燥之燥字、當作躁、

麻仁丸

按當作麻子仁丸、施又謹按、大便秘云者、本爲病證、若謂平日、則似非病證也、宜作治崩

腹滿而拘攣大便秘者

已椒蘚黃丸

按當作防已椒目葶藶大黃丸

桔梗白散

按胸咽二字不穩宜作治毒在咽喉及胸中
吐下如膾汁者

礬石湯

按氣字當刪之及字下當有毒字入字當刪

之、

蓼石丸

按經水上當有婦人二字

蛇床子散

按白物上當有婦人二字

補
遺
大陷胸丸

按此方之首亦結胸二字宜刪之當作治大

陷胸湯證而項背强者

二神傳

全三冊

此書、阿州天羽先生の筆記ニノ吾國神代ヨリコノカタ古ク
傳ハリニ和方、諸名家ニ秘シ用ヒ大効ヲ得来リシ
奇劑妙方ニノコラス集タル書ナレハ医家ハ言ニヨヨハズ
僻地遠土ノ民信タリトモ病ニアリテコノ方ヲ取モチヒバ
ソノ効アル丁小医ニ托くニヨリモスニヤカナソ

浪花書林 心承橋通 河内屋喜兵衛

